

आकाशवाणी जम्मू

Evening Dogri News Bulletin

27 Dec. 2025 समे 18:15 Hrs

## Headlines

- प्रधानमंत्री नरेन्द्र मोदी हो'र कल बडुलै 11 बजे आकाशवाणी पर "मन की बात" कार्यक्रम राहें देश-विदेश च रौहने आहले लोकें कन्नै अपने विचार सांझे करगंन।
- उपराज्यपाल मनोज सिन्हा हो'रें आखेया जे शिवखोड़ी लेई हैलीकाप्टर सेवा तौले गै शुरु होग- कटड़ा ते शिवखोड़ी दौने थाहरें पर हैलीपैड दा निर्माण-कम्म तकरीबन पूरा।
- पुलस नै जानकारी दिती ऐ जे शोपिया थमां व्रंऊ ओवर ग्राउंड वर्करें गी हिरासत च लैता गया ऐ ते जम्मू स्थित सैन्ट्रल जेल च भेजेया गया ऐ।
- जम्मू-कश्मीर पुलस कल Run for Unity जम्मू मैराथन 2025 दा आयोजन करने लेई पूरी चाली त्यार।
- ते मौसम विभाग नै जम्मू-कश्मीर च अगले हफ्ते किश-किश थाहरें पर हलकी बर्फबारी ते बरखा बरने दी पेशगोई कीती ऐ।

<><><><><><>

## PM- MKB

प्रधानमंत्री नरेन्द्र मोदी हो'र कल बडुलै 11 बजे आकाशवाणी पर अपने महावार रेडियो कार्यक्रम "मन की बात" राहें देश-विदेश च रौहने आहलें लोके कन्नै अपने विचार सांझे करगंन। एह इस रेडियो कार्यक्रम दी 129मीं किशत होग। इस कार्यक्रम दा प्रसारण आकाशवाणी ते दूरदर्शन दे समूलचें नैटवर्क पर आकाशवाणी समाचार दी वैबसाईट ते News on AIR Mobile App पर कीता जाहग। एदे इलावा इस कार्यक्रम गी आकाशवाणी समाचार- डी.डी. न्यूज- प्रधानमंत्री हुंदे दफ्तर ते सूचना ते प्रसारण मंत्रालय दे यू-ट्यूब चैनलें पर बी लाईव

प्रसारित कीता जाहगा। इन्ना गै नेंई आकाशवाणी पर हिंदी प्रसारण दे तुरंत मगरा एहदा क्षेत्रीय भाषाएं च बी प्रसारण होगा।

<><><><><><>

## LG-Heli Service (Byte)

उपराज्यपाल मनोज सिन्हा होरें घोषणा कीती ऐ जे पवित्र शिवखोड़ी श्राईन जाने आहले श्रद्धालुएं लेई हैलीकाप्टर सेवा तौले गै शुरु होई जाग- कीजे लोड़चदे बुनियादी ढांचे दा कम्म हूंन पूरा होने दे अखीरले चरण च ऐ। एह घोषणा कटड़ा च श्री माता वैष्णो देवी युनिवर्सिटी दे 11में दीक्षांत समारोह दौरान कीती गई। उपराज्यपाल होरें जानकारी दिती जे कटड़ा ते शिवखोड़ी दौने थाहरें पर हैलीपैड दा निर्माण-कम्म तकरीबन पूरा होई गेदा ऐ। उ'नें आखेया जे इस हैलीकाप्टर सेवा राहें बुर्जुगें ते दिव्यांगजनें लेई इक बड़ी राहत होगा। उ'नें गलाया

<><><><><><>

## OGW's Arrested

पुलस नै कश्मीर घाटी दे शोपिया जिले थमां जन सुरक्षा कनून दे प्रावधानें तैहत व्रंऊ ओवर ग्राउंड वर्करें गी हिरासत च लौता ऐ। पुलस नै सोशल मीडिया दी इक पोस्ट च जानकारी दिती जे हिरासत च लैते गेदे इनें लोकें गी प्रदेश दी सुरक्षा खिलाफ गतिविधियें च बार-बार शामिल पाया गया। भारतीय नागरिक सुरक्षा संहिता दी दफा 170/126 तैहत उंदे खिलाफ शुरु कीती गेदी कारवाइयें दे बावजूद ओह गैर-कनूनी गतिविधियें च शामिल रेह-जेहदे करी जिले च रमानदारी ते सुरक्षा दे लिहाज कन्नै ओह गंभीर खतरा बनी गेन। पुलस नै दस्सेया जे हिरासत च लैने मगरा इनेंगी जम्मू च कोट भलवाल स्थित जम्मू दी सेंट्रल जेल च भेजेया गया ऐ।

<><><><><><>

## Tax Reforms (Byte)

बरा 2025 भारत दी विकास यात्रा गी परिभाषित करने आहला इक ध्याऽ ऐ- जेहदे च नीतियें गी विकास च ते इरादें गी प्रभाव च बदलोंदे दिक्खेया गया ऐ। इक खास श्रंखला सुधारें आहला बरा च अज्ज अस 2025 च टैक्सें सरबन्धी खेतर च भारत दी प्रगति पर इक रिपोर्ट पेश करा”रदे आं। नरेन्द्र मोदी सरकार आसेया पिच्छले 8एं बरे थमां शुरु कीते गेदे ते 2025 च निर्णायक तौरा कन्नै अगगे बधाए दे कर सुधार पिच्छली बवस्था थमां इक स्पष्ट बलाऽ दा प्रतीक ना। इस बदलाऽ दा मुख अधार औने आहली पीढ़ी दे जी.एस.टी सुधार ना। इस बरे टैक्स प्रणाली गी 5 ते 18 फीसद दी दो मुख स्लैब च युक्तिसंगत बनाया गया ऐ जेहदे च स्पष्ट वर्गीकरण-सखल्ला पंजीकरण ते सखल्ली पालमां शामिल ऐ। कर सुधारें पर बोलदे होई प्रधानमंत्री नरेन्द्र मोदी होरें आखेया

<><><><><><>

## Jammu Marathon

जम्मू-कश्मीर पुलस अपने सिविक एक्शन प्रोग्राम दे इक हिस्से दे तौरा पर कल गुलशन ग्राउंड च “रन फॉर यूनिटी जम्मू मैराथन-2025” दा आयोजन करा”रदी ऐ। मैराथन च मुफ्त पंजीकरण- टी-शर्ट- जलपान- सांस्कृतिक कार्यक्रम ते रैफल ड्रा शामिल ना। मर्दे- औरतें- जूनियर साबका फौजियें ते वरिष्ठ नागरिकें सनें हर बरेसु दे प्रतिभागियें आस्तै दस श्रेणियां बनाई गेदियां ना। बक्ख-बक्ख श्रेणियें आस्तै कुल 4 लक्ख 70 ज्हार रपें दी ईनामी रकम रखी गेदी ऐ- जेहदे चा 50 ज्हार तगर दा शीर्ष ईनाम दिता जाहगा। नागरिकें गी इस प्रमुख खेडु आयोजन च हिस्सा लैने आस्तै साद्दा दिता जंदा ऐ।

<><><><><><>

## Bridge –Udhampur (2 Bytes)

अगस्त महीने आए दे हाड़े कारण केई महीनें तगर राबता टुटे दे रौहने मगरा तवी पर 5 करोड़ रपें दी लागत कन्नै इक पुल दी मंजूरी देई दिती गई ऐ। एह पुल उधमपुर जिले दे समरोली इलाकें दे बंत गां ते ओहदे अगगे-लागगे दे 20एं गाएं गी परतियै जौड़ोग। अगस्त महीने च आए दे हाड़े कारण एह पुल रुढ़ी गया हा। 50 ज्हार थमां मते उत्थें दे लोकें आस्तै सुरक्षत औना-जाना- शिक्षा ते आर्थिक गतिविधियां परतियै शुरु होई जागंन। मकामी लोकें इस मती जरुरतै आहले पुले दे परतियै निर्माण कम्में गी मंजूरी देने आस्तै प्रशासन ते मोदी सरकार दा धन्नवाद कीता।

आकाशवाणी खबरें कन्नै गल्लबात करदे होई चेनानी हलके दे विधायक बलवंत सिंह मनकोटिया होरें ते इक उत्थूं दे बसनीक शमशेर सिंह होरें आखेया

<><><><><><>

### RD Projects –Rajouri (Byte)

राजौरी दे विधायक इफ्तिकार अहमद होरें प्रधानमंत्री ग्राम सिड़क योजना तैहत राजौरी हलके च अप्पर थमां दस्सल गली तगर दस्सल Jattan राएं जोड़ने आहली लम्में समें थमां लंबित पेदी सिड़क परियोजना दा उदघाटन कीता। तकरीबन 50 लक्ख रुपें दी अंदाजन लागत आहली इस परियोजना कन्नै सिड़क राबते ते मता सुधार होने ते उत्थूं दे रौहने आहलें लोकें दे जीवन च मतियां सहूलतां औने दी मेद ऐ। इस परियोजना दा उदघाटन करदे होई इफ्तिकार अहमद होरें सरबंघत अधिकारियें गी म्यार आहली कारीगरी यकीनी बनाने दे निर्देश दिते ते सिड़कै दे कम्मै गी तौले पूरा करने उप्पर जोर भरेया तां जे लोकें गी तौले शा तौले एहदा फायदा हासल होई सकै। इस मौके पर बोलदे होई विधायक होरें अगगे आखेया

<><><><><><>

### Weather (Byte)

मौसम विभाग नै जम्मू-कश्मीर च 29 दिसम्बर तोड़ी आंशिक तौरा पर बढ़ल छाए दे रौहने दी पेशगोई कीती ऐ। 30 दिसम्बर गी बक्ख-बक्ख थ्हारें च हौली बरखा ते बर्फबारी होने दी मेद ऐ- 31 दिसम्बर ते पैहली जनवरी गी बी हौली बरखा ते बर्फबारी होने दे असार ना। इसै दौरान जम्मू शैहरा दा तापमान डिग्री सैलसियस दर्ज कीता गया ऐ। होर जानकारी मौसम विभाग दे निदेशक मुख्तार अहमद हुंदे शा

<><><><><><>

### Online Classes –Ramban (Byte)

शिक्षा दी निरंतरता गी यकीनी बनाने दी पैहलकदमी तैहत रामबन शिक्षा विभाग नै रामबन जिले दे आकांक्षी ब्लाक खारी शिक्षा खेत्तर च 9मीं थमां 12मीं जमात तगर दे विद्यार्थियें आस्तै ऑनलाईन क्लासें दी शुरुआत कीती ऐ। इस पैहल दा मकसद बगैर कुसै रुकावट दे पढ़ाई गी सुवधाजनक बनाने त शिक्षा च आए दे छिंडे गी दूर

करना ऐ। खासतौर पर दूर-दरेडे ते घट्ट सेवा आहले इलाकें च शिक्षकें दी कमी गी दूर करना ऐ। इस पैहलकदमी तैहत विद्यार्थियें गी विशे-मताबक ऑनलाईन शिक्षा ते मार्ग-दर्शन हासल होग। अध्यापकें गी रोजाना ऑनलाईन क्लास लैने- सवाल-जवाब जरिये सिखने आहली सिखलाई गी बढ़ावा देने ते विद्यार्थियें दी भागीदारी ते शैक्षणिक प्रगति दी नेड़मी तक्क रखने दे निर्देश दिते गो। होर जानकारी DIET रामबन दे अध्यापक शहनबाज गनी हुंदे थमां

<><><><><><>